



საქართველოს საბჭოთა სოციალისტური რესპუბლიკის

მთავრობის

დადგენილებათა და განკარგულებათა კრებული

1939 წ. იანვრის 31

№ 3

თბილისი

შ ი ნ ა ა რ ს ი

სახალხო კომისართა საბჭოს და საქ. კ. პ. (ბ) ცენტრალური კომიტეტის დადგენილებანი.

10. 1939 წ. სახელმწიფოსათვის ხორცის სავალდებულო ჩაბარების შესახებ.

11. 1939 წ. სახელმწიფოსათვის მატყლის სავალდებულო ჩაბარების შესახებ.

სახალხო კომისართა საბჭოს დადგენილებანი

12. წითელი ჯვრისა და წითელი ნახევარმთვარის საქართველოს საზოგადოების მუშაობის გარდაქმნის ღონისძიებათა შესახებ.

13. სააბანო-სამრეცხაო და საპარიკმაბერო მეურნეობის ხელმძღვანელობის შესახებ.

14. კალიფორნიის ფარიანით ხილის ბაღების დაავადების ლიკვიდაციის ღონისძიებათა შესახებ.

15. მუსიკალურ საწარმოთა, საექსტრადო და საგასტროლო-სათეატრო საქმის სახელმწიფო შენაერთის (საქფილეგტის) რეორგანიზაციის შესახებ.

16. სამშენებლო აგურზე ახალი საგასაცემო ფასების დაწესების შესახებ.

სახალხო კომისართა საბჭოს და საქ. კ. პ. (ბ) ცენტრალური კომიტეტის დადგენილებანი

10. 1939 წ. სახელმწიფოსათვის ხორცის სავალდებულო ჩაბარების შესახებ.

სსრ კავშირის სახალხო კომისართა საბჭოს და საქ. კ. პ. (ბ) ცენტრალური კომიტეტის „1939 წ. სახელმწიფოსათვის ხორცის სავალდებულო ჩაბარების შესახებ“ გამოცემული 1939 წ. 27 იანვრის № 118 დადგენილების შესაბამისად, საქართველოს სსრ სახალხო კომისართა საბჭო და საქ. კ. პ. (ბ) ცენტრალური კომიტეტი ადგენენ:

1. შენარჩუნებულ იქნას 1939 წლისათვის გადასახადის ძალის მქონე სავალდებულო ჩაბარებათა წესით კოლმეურნეობების, საკოლმეურნეო კომლექსისა და ერთპიროვნული მეურნეობების მიერ სახელმწიფოსათვის ხორცის ჩაბარების 1938 წელს მომქმედი წესი, ვადები და ნორმები.

2. სახელმწიფოსათვის ხორცის სავალდებულო ჩაბარების წლიური ოდენობის გამოანგარიშება თითოეული კოლმეურნეობისათვის მოხდეს მსხვილფეხა რქიანი პირუტყვის, ღორებისა და ცხვრების 1 ოქტომბრისათვის არსებული სულადობის მიხედვით.

3. შენარჩუნებულ იქნას 1939 წლისათვის კოლმეურნეობებისა, საკოლმეურნეო კომლექსისა და ერთპიროვნულ მეურნეობების მიერ სახელმწიფოსათვის ხორცის სავალდებულო ჩაბარების 1938 წელს მომქმედი შეღავათები შემდეგი ცვლილებებით:

ღორის ხორცის რაოდენობიდან შეღავათის 25%-ის და იმ სხვა სახის პირუტყვის ხორცის რაოდენობიდან შეღავათის 20%-ის ჩარიცხვა კოლმეურნეობის პირად ვალდებულებათა შესრულებაში, რომელსაც მეცხოველეობის საკოლმეურნეო ფერმები აბარებენ, არ უნდა აღემატებოდეს სახელმწიფოსათვის ხორცის ჩაბარების იმ წლიური ნორმის 60%-ს, რაც დაწესებულია საკოლმეურნეო კომლექსისათვის.

4. დაევალოს სსრ კავშირის დამზადებათა სახალხო კომისარიატის რწმუნებულს საქართველოს სსრ-ში არაუგვიანეს 1939 წლის 15 თებერვლისა დაამთავროს ხორცის ჩაბარების ვალდებულებათა გადაცემა კოლმეურნეობებისა, საკოლმეურნეო კომლექსისა და ერთპიროვნული მეურნეობებისათვის.

ხორცის ჩაბარების 1939 წლის გეგმა შედგენილ იქნას ჩაბარებულ ვალდებულებათა სრული შესაბამისად და 1939 წლის 20 თებერვლისათვის განსახილველად წარედგინოს საქართველოს სსრ სახალხო კომისართა საბჭოს.

5. დაევალოს აფხაზეთისა და აჭარის ასსრ სახალხო კომისართა საბჭოებს, სამხრეთ-ოსეთის ავტონომიური ოლქის ცენტრალურ აღმასრულებელ კომიტეტს რაიონული აღმასრულებელი კომიტეტების თავმჯდომარეებს, საქ. კ. პ. (ბ) საოლქო კომიტეტებისა და რაიონული კომიტეტების მდივნებს ხელმძღვანელობა გაუწიონ კოლმეურნეობებისა, საკოლმეურნეო კომლექსისა და ერთპიროვნულ-

ლი მეურნეობებისათვის ხორცის სავალდებულო ჩაბარების ვალდებულება გადაცემის საქმეს და უზრუნველჰყონ 1939 წელს სახელმწიფოსათვის ხორცის ჩაბარების ვალდებულებათა სწორად გადაცემა.

6. დაევალოს სსრ კავშირის დამზადებათა სახალხო კომისარიატის რწმუნებულს საქართველოს სსრ-ში 1939 წ. 30 იანვრისათვის ამოიწვიოს დამზადებათა სახალხო კომისარიატის რწმუნებულებისა და რაირწმუნებულების საინსტრუქციო თათბირი 1939 წელს ხორცის, რძისა და მატყლის ვალდებულებათა ჩაბარების საკითხებზე.

საქ. სსრ ს. კ. ს-ოს
თავმჯდომარე ვ. ბაქრაძე.

საქ. კ. პ. (ბ) ც. კ-ის
მდივანი კ. ჩარკვიანი.

1939 წ. იანვრის 29. № 136.
თბილისი.

11. 1939 წ. სახელმწიფოსათვის მატყლის სავალდებულო ჩაბარების შესახებ.

სსრ კავშირის სახალხო კომისართა საბჭოს და საქ. კ. პ. (ბ) ცენტრალური კომიტეტის „1939 წ. სახელმწიფოსათვის მატყლის სავალდებულო ჩაბარების შესახებ“ გამოცემული 1939 წ. 27 იანვრის № 117 დადგენილების შესაბამისად, საქართველოს სსრ სახალხო კომისართა საბჭო და საქ. კ. პ. (ბ) ცენტრალური კომიტეტი ადგენენ:

1. შენარჩუნებულ იქნას 1939 წლისათვის კოლმეურნეობებისა, საკოლმეურნეო კომლგებისა და ერთპიროვნულ მეურნეობათა მიერ სახელმწიფოსათვის მატყლის სავალდებულო ჩაბარების 1938 წელს მომქმედი წესი, ნორმები და ვადები.

2. კოლმეურნეობებსა, საკოლმეურნეო კომლგებსა და ერთპიროვნულ მეურნეობებში სახელმწიფოსათვის მატყლის სავალდებულო ჩაბარების წლიური ოდენობის გამოანგარიშება მოხდეს ცხვრებისა და თხების 1939 წ. 1 იანვრისათვის არსებული ფაქტიური სულადობის საფუძველზე.

3. შენარჩუნებულ იქნას 1939 წელს კოლმეურნეობათა, საკოლმეურნეო კომლგებისა და ერთპიროვნულ მეურნეობათა მიერ სახელმწიფოსათვის მატყლის სავალდებულო ჩაბარების 1938 წ. მომქმედი შეღავათები შემდეგი ცვლილებებით:

მეცხოველეობის საკოლმეურნეო ფერმების მიერ სახელმწიფოსათვის ჩაბარებული მატყლის რაოდენობიდან შეღავათის 20% ჩათვლა კოლმეურნეთა პირადი ვალდებულებების შესრულებაში არ უნდა აღემატებოდეს მატყლის ჩაბარების იმ წლიური ნორმის 60%-ს, რაც დაწესებულია საკოლმეურნეო კომლგებისათვის.



ნახევრადუხეშ მატყლიან მეტისულ ცხვრებზე, რომლებიც კოლმეურნეობაში პირად სარგებლობაში იმყოფებიან, თვითეულ სულზე მატყლის ჩაბარების ოდენობა გამოანგარიშებულ იქნას უხეშმატყლიანი ცხვრებისათვის დაწესებულ ნორმების მიხედვით.

4. დაევალოს აფხაზეთისა და აჭარის ასსრ სახალხო კომისართა საბჭოებს სამხრეთ-ოსეთის ავტონომიური ოლქის ცენტრალურ აღმასრულებელ კომიტეტს, რაიონული აღმასრულებელი კომიტეტის თავმჯდომარეებს, საქ. კ. პ. (ბ) საოლქო კომიტეტების და რაიონული კომიტეტების მდივნებს ხელმძღვანელობა გაუწიონ კოლმეურნეობებისა, საკოლმეურნეო კომლებისა და ერთბიროვნულ მეურნეობებისათვის მატყლის ვალდებულებათა ჩაბარების საქმეს და უზრუნველყონ 1939 წ. სახელმწიფოსათვის მატყლის ჩაბარების ვალდებულებათა სწორად გადაცემა.

საქ. სსრ ს. კ. ს-ის
თავმჯდომარე ვ. ბაქრაძე.

საქ. კ. პ. (ბ) ც. კ-ის
მდივანი კ. ჩარკვიანი.

1939 წ. იანვრის 29. № 137.
თბილისი.

სახალხო კომისართა საბჭოს დადგენილებანი

12. წითელი ჯვრისა და წითელი ნახევარმთვარის საქართველოს საზოგადოების მუშაობის გარდაქმნის ღონისძიებათა შესახებ.

შესაბამისად სსრ კავშირის სახალხო კომისართა საბჭოს 1938 წ. 3 დეკემბრის № 1283 დადგენილებისა „სსრ კავშირის წითელი ჯვრისა და წითელი ნახევარმთვარის საზოგადოებათა კავშირის შესახებ“, საქართველოს სსრ სახალხო კომისართა საბჭო ადგენს:

1. გაუქმდეს ყველა არსებული გამოსაღები და ანარიცხები, რასაც წითელი ჯვრისა და წითელი ნახევარ მთვარის საქართველოს საზოგადოების სასარგებლოდ ახდევინებენ თეატრებისა და კინოების ბილეთებზე, საზღვარგარეთის პასპორტებზე, ვიზეზსა და საკონსულო გამოსაღებზე.

ამ გამოსაღებთა და ანარიცხთა თანხა შეტანილ იქნას თეატრებსა და კინოს ბილეთების საფასურში, საზღვარგარეთის პასპორტებისა და ვიზეზების ღირებულებაში და საკონსულო გამოსაღებში.

2. დაევალოს საქართველოს სსრ ფინანსთა სახალხო კომისარიატს გაითვალისწინოს ეს შემოსავალი 1939 წ. საფინანსო გეგმებსა და ბიუჯეტებში სთანადო ორგანიზაციების მიხედვით.

3. ჩამოერთვას წითელი ჯვრისა და წითელი ნახევარმთვარის საქართველოს საზოგადოებასა და საგზაო კომიტეტს ყველა სამეურნეო საწარმო და სამ-

კურნალ სანიტარული დაწესებულებანი, რომლებიც არ არიან დაკავშირებული მათ ძირითად მუშაობასთან, და გადაეცეს სათანადო ორგანიზაციებს, თანახმად სისა, 1939 წ. 1 იანვრისათვის არსებული ბალანსის მიხედვით, უსასყიდლოდ მთელი აქტივითა და პასივით.

4. წითელი ჯვრისა და წითელი ნახევარმთვარის საქართველოს საზოგადოების ცენტრალური კომიტეტის, აგრეთვე წითელი ჯვრისა და წითელი ნახევარმთვარის საგზაო კომიტეტის დაწესებულებათა და საწარმოთა გადაცემისათვის ხელმძღვანელობის გასაწევად მოეწყოს ცენტრალური კომისია შემდეგი შემადგენლობით: ამხ. ი. ი. ქოლოშვილი (თავმჯდომარე)—წითელი ჯვრისა და წითელი ნახევარმთვარის საქართველოს საზოგადოების ცენტრალური კომიტეტის თავმჯდომარე, გ. ნ. მისურაძე—წითელი ჯვრისა და წითელი ნახევარმთვარის საგზაო კომიტეტის თავმჯდომარე ამხ. დადუნაშვილი—საქართველოს სსრ ჯანმრთელობის სახალხო კომისარიატი, ამხ. ვ. ხანანაშვილი—საქართველოს სსრ ფინანსთა სახალხო კომისარიატი, ამხ. გულუა—საქართველოს სსრ კომუნალური მეურნეობის სახალხო კომისარიატი.

5. წითელი ჯვრისა და წითელი ნახევარმთვარის დაწესებულებათა და საწარმოთა სხვა უწყებებისათვის გადასაცემად, წინადადება მიეცეს ამხ. კოლოშვილს (ცენტრალური კომისიის თავმჯდომარე) მოწყოს სხვა ორგანიზაციებისათვის გადასაცემ თითოეულ საწარმოში კომისია შემდეგი შემადგენლობით: წითელი ჯვრისა და წითელი ნახევარმთვარის საქართველოს საზოგადოების წარმომადგენელი, იმ უწყების წარმომადგენელი, რომელსაც სათანადო დაწესებულება ან საწარმო გადაეცემა, და გადასაცემი დაწესებულების ხელმძღვანელი.

6. გაფრთხილებულ იქნან იმ ორგანიზაციების ხელმძღვანელები, რომლებიც წითელი ჯვრისა და წითელი ნახევარმთვარის საზოგადოებისაგან იღებენ საწარმოებს, რომ საწარმოთა და დაწესებულებათა ფაქტიური მიღებისა და ჩაბარების თარიღის დამოუკიდებლად მათ მიერ მიღებულ ობიექტებზე 1939 წ. საგეგმო და საფინანსო ხარჯთაღრიცხვებს შეადგენენ ისინი 1939 წ. 1 იანვრიდან.

7. დაეკისროს წითელი ჯვრისა და წითელი ნახევარმთვარის საზოგადოების ცენტრალურ კომიტეტს და საგზაო კომიტეტს:

ა) წითელი ჯვრისა და წითელი ნახევარმთვარის სანიტარული საგუშაგოებისა და სანიტარული რაზმების ფართო ქსელის მოწყობა საწარმოებში, კოლმეურნეობებში, საბჭოთა მეურნეობებში, დაწესებულებებსა და საცხოვრებელ ახლებში;

ბ) მასობრივ-სანიტარული კადრების მომზადება (დების, სანიტრების, დეზინფექტორების, მ. ს. თ. პირველი და მეორე საფეხურის ნიშნოსების და ა. შ.);

გ) საგანმანათლებლო და აღმზრდელობითი მუშაობის ჩატარება სამოქალაქო მოსახლეობის შორის ქვეყნის სანიტარული თავდაცვის საკითხებზე.



8. დაწესდეს, რომ წითელი ჯვრისა და წითელი ნახევარმთვარის საზოგადოებების ცენტრალური კომიტეტის, საგზაო კომიტეტის და მათი ადგილობრივი ორგანიზაციების სახსრები შესდგება საწევრო ანარიცხებისა და იმ ასიგნობებისაგან, რომლებსაც სახელმწიფო გაიღებს მასობრივ-სანიტარულ მუშაობისათვის.

9. სანიტარული საგუშაგოების შექურვის გაუმჯობესების და სანიტარულ თავდაცვითი მუშაობის საჭირო ღონისძიებათა ვატარების უზრუნველყოფის მიზნით, წინადადება მიეცეს სახალხო კომისარიატებსა და უწყებების ყველა ხელმძღვანელს გაითვალისწინონ 1939 წ. საფინანსო გეგმებში ამ მიზნისათვის საჭირო ასიგნობანი.

10. წინადადება მიეცეს წითელი ჯვრისა და წითელი ნახევარმთვარის საქართველოს საზოგადოების ცენტრალური კომიტეტის თავმჯდომარეს აშხ. ჭოლოშვილს საქართველოს სსრ ჯანმრთელობის სახალხო კომისართან ერთად 2 დეკადის ვადაში შეიმუშაოს და საქართველოს სსრ სახალხო კომისართა საბჭოს განსახილველად წარმოუდგინოს კონკრეტული ღონისძიებანი წითელი ჯვრისა და წითელი ნახევარმთვარის საქართველოს საზოგადოების მუშაობის გაძლიერებისათვის.

საქ. სსრ ს.კ.ს-ის თავმჯდომარე ვ. ბაქრაძე.

საქ. სსრ ს.კ.ს-ის საქმეთა მმართველის მ. ა. ი. შელეგია.

1939 წ. იანვრის 25. № 89.
თბილისი.

13. საბანო-სამრეცხაო და საპარიკმახერო მეურნეობის ხელმძღვანელობის შესახებ.

ვინაიდან საპარიკმახეროები წითელი ჯვრისა და წითელი ნახევარმთვარის საქართველოს საზოგადოების გამგებლობიდან საქართველოს სსრ კომუნალური მეურნეობის სახალხო კომისარიატის სისტემას გადაეცა, და იმ მიზნით, რომ გაუმჯობესდეს აბანოებისა, სამრეცხაოებისა და საპარიკმახეროებისადმი ხელმძღვანელობა და კონტროლი, საქართველოს სსრ სახალხო კომისართა საბჭო ადგენს:

1. საპარიკმახეროებისა და საბანო-სამრეცხაო მეურნეობის საერთო ხელმძღვანელობა საქართველოს სსრ ქალაქებში, ქალაქის ტიპის დასახლებულ ადგილებში, მუშათა, საავარაკო და საკურორტო დაბებში და რაიონულ ცენტრებში დაეკისროს საქართველოს სსრ კომუნალური მეურნეობის სახალხო კომისარიატს.

ამასთან დაკავშირებით შეტანილ იქნას ცვლილება საქართველოს სსრ კომუნალური მეურნეობის სახალხო კომისარიატის დებულებაში, რომელიც და

მტკიცებულია საქართველოს სსრ სახალხო კომისართა საბჭოს 1938 ივლისის დადგენილებით (საქ. სსრ დადგ. კრ. 1938 წ. № 2, მუხ. 6), და დაემატოს დებულების მე-4 მუხლის მე-6 პუნქტში არსებულ ჩამოთვლას სიტყვა „საპარიკმახეროები“.

2. სააბანო-სამრეცხაო და საპარიკმახერო მეურნეობისათვის ხელმძღვანელობის გასაწევად საქართველოს სსრ კომუნალური მეურნეობის სახალხო კომისარიატის კომუნალურ სამმართველოსთან შეიქმნას სააბანო-სამრეცხაო და საპარიკმახერო მეურნეობის განყოფილება ხუთი საშტატო ერთეულის შემადგენლობით.

წინადადება მიეცეს საქართველოს სსრ ფინანსთა სახალხო კომისარიატს გამოჰყოს დამატებით 3 საშტატო ერთეული სააბანო-სამრეცხაო და საპარიკმახერო მეურნეობის განყოფილებისათვის, ხოლო საქართველოს სსრ კომუნალური მეურნეობის სახალხო კომისარიატმა გამოჰყოს 2 საშტატო ერთეული კომისარიატის საშტატო კონტინგენტის ხარჯზე.

3. თბილისის საქალაქო საბჭოს კომუნალურ განყოფილებასთან არსებული აბანოების ტრესტი რეორგანიზებულ იქნას სააბანო-სამრეცხაო და საპარიკმახერო მეურნეობის ტრესტად, რომელიც სარგებლობს იურიდიული პირის უფლებებით და ექვემდებარება თბილისის საქალაქო საბჭოს კომუნალურ განყოფილებას, ამასთან თავმოყრილ იქნას ამ ტრესტში ქალაქ თბილისში არსებული ყველა კომუნალური აბანოს, სამრეცხაო და საპარიკმახეროს ხელმძღვანელობა.

4. მოეწყოს ბათუმის, ქუთაისის და სოხუმის საქალაქო საბჭოების კომუნალურ განყოფილებებთან სააბანო-სამრეცხაო და საპარიკმახერო მეურნეობის ტრესტები.

5. ყველა სხვა ქალაქში, აგრეთვე რაიონულ ცენტრებში სააბანო-სამრეცხაო და საპარიკმახერო მეურნეობის ხელმძღვანელობა დაეკისროს საქალაქო საბჭოების და რაიონული აღმასრულებელი კომიტეტების კომუნალურ განყოფილებებს.

6. დაწესდეს, რომ საქალაქო საბჭოებისა და რაიონული აღმასრულებელი კომიტეტების კომუნალური განყოფილებანი უშუალოდ განაგებენ ყველა კომუნალურ აბანოს, სამრეცხაოს, აგრეთვე საპარიკმახეროს, რომლებიც კომუნალურ განყოფილებებს გადაეცათ წითელი ჯვრისა და წითელი ნახევარმთვარის საზოგადოების სისტემიდან, ხოლო სარეწაო კოოპერაციის და სხვა ორგანიზაციების სისტემაში არსებული საპარიკმახეროების მიმართ ანხორციელებენ საერთო ხელმძღვანელობასა და კონტროლს.

კატეგორიულად აეკრძალოს საქალაქო საბჭოებისა და რაიონული აღმასრულებელი კომიტეტების კომუნალურ განყოფილებებს საპარიკმახეროების ჩამორთმევა სარეწაო კოოპერაციისათვის.

7. დაევალოს საქართველოს სსრ კომუნალური მეურნეობის სახალხო კომისარიატს შეიმუშაოს სააბანო-სამრეცხაო და საპარიკმახერო მეურნეობის სამე-

ურნეო ანგარიშიანი ტრესტების სტრუქტურა და განახორციელოს ღონისძიებანი, რომლებიც უზრუნველყოფენ როგორც წითელი ჯვრისა და წითელი ვარმთვარის საქართველოს საზოგადოების მიერ გადაცემული საპარიკმახერობის, ისე არსებული აბანოებისა და სამრეცხაოების სანიმუშო მდგომარეობას.

საქ. სსრ ს.კ.ს-ოს თავმჯდომარე ვ. ბაქრაძე.

საქ. სსრ ს.კ.ს-ოს საქმეთა მმართველის მ. ა. ი. შელეგია.

1939 წ. იანვრის 25. № 107.
თბილისი.

14. კალიფორნიის ფარიანით ხილის ბაღების დაავადების ლიკვიდაციის ღონისძიებათა შესახებ.

საქართველოს სსრ სახალხო კომისართა საბჭო აღნიშნავს, რომ მიუხედავად იმ უდიდესი ეკონომიური ზარალისა, რასაც მეხილეობას აყენებს კალიფორნიის ფარიანის გავრცელება (იწვევს ახალგაზრდა ხეების დაღუპვას, ამცირებს ხილის ნარგავების ცხოველმოქმედობას, ამცირებს მოსავლიანობის ღირებულებას და სხვ.) ამ მავნებლებთან ბრძოლა საქართველოს სსრ-ის რაიონებში არაღამაკმაყოფილებლად მიმდინარეობს. დამუშავებულია ხილის ნარგავების მხოლოდ 21,3% (გეგმით გათვალისწინებული 10.130 ჰექტარის ნაცვლად, დამუშავებულია 2.153,7 ჰექტარი).

განსაკუთრებით ჩამორჩება ბაღების მკურნალობა აფხაზეთის ასსრ-ში (შესრულების 13,5%), აჭარის ასსრ-ში (22,6%), ცხაკაიას რაიონში (15,9%), წულუკიძის რაიონში (2,6%), გორის (29,8%), ხოლო ხობის, კიათურის, მახარაძის და ზუგდიდის რაიონები სრულიად არ შესდგომიან მკურნალობას.

ბაღების მკურნალობის ასეთი ნელი ტემპი წარმოადგენს იმის შედეგს, რომ რაიონული აღმასრულებელი კომიტეტები და რაიონული სამიწათმოქმედო ორგანოები ვერ აფასებენ კალიფორნიის ფარიანთან ბრძოლის საქმის მნიშვნელობას, სთვლიან რა მას მეორეხარისხოვან სამუშაოდ.

საქართველოს სსრ სახალხო კომისართა საბჭო ადგენს:

1. წინადადება მიეცეს აფხაზეთის ასსრ და აჭარის ასსრ სახალხო კომისართა საბჭოების თავმჯდომარეებს, გორის, ქუთაისის, წულუკიძის, ხობის, კიათურის, აბაშის, ცხაკაიას, გეგეჭკორის, ზუგდიდის, მახარაძის, ლანჩხუთის, ჩოხატაურის და ფოთის რაიონების რაიონული აღმასრულებელი კომიტეტების თავმჯდომარეებსა და რაიონული სამიწათმოქმედო განყოფილებების გამგეებს დაუყოვნებლივ მოისმინონ სახალხო კომისართა საბჭოების და რაიონული აღმასრულებელი კომიტეტების პრეზიდიუმების სხდომებზე ინფორმაცია კალიფორ-

ნის ფარიანის წინააღმდეგ ბრძოლის მიმდინარეობის შესახებ და სისტემური მეთვალყურეობა გაუწიონ ფარიანთან ბრძოლის მუშაობის მიმდინარეობას.

დასახონ თითოეულ მეურნეობაში კონკრეტული ღონისძიებანი იმ ანგარიშით, რომ ყველა ბაღისა და ხილის ცალკეული ნარგავების მკურნალობა დამთავრდეს 1939 წ. 20 მარტისათვის.

2. წინადადება მიეცეს საქართველოს სსრ მიწათმოქმედების სახალხო კომისარიატს (ამხ. ხოშტარიას) 2 დეკადის ვადაში შეაკეთოს არსებული მძღავრი აპარატურა სამანქანო-სატრაქტორო სადგურებში და უზრუნველჰყოს აპარატურის მთელი არსებული რაოდენობის სრულად, მაქსიმალური დატვირთვით და შეუფერხებელი გამოყენება კალიფორნიის ფარიანის წინააღმდეგ საბრძოლველად.

3. წინადადება მიეცეს საქსოფლმომარაგების მმართველს (ამხ. ივითხანოვს) 1939 წ. 10 თებერვლამდე უზრუნველჰყოს ყველა რაიონი საჭირო რაოდენობის კონცენტრატებით, ზეთოვანი ემულსიით, აპარატურითა და დამავრძელებელი კულსონებით თანახმად საქართველოს სსრ მიწათმოქმედების სახალხო კომისარიატის განრიგისა.

საქ. სსრ ს.კ.ს-ის თავმჯდომარე ვ. ბაქრაძე.

საქ. სსრ ს.კ.ს-ის საქმეთა მმართველის მ. ა. ი. შელეგია.

1939 წ. იანვრის 25. № 112.
თბილისი

15. მუსიკალურ საწარმოთა, საესტრადო და საგასტროლო-სათეატრო საქმის სახელმწიფო შენაერთის (საქფილეგტის) რეორგანიზაციის შესახებ.

მუსიკალური საკონცერტო მუშაობის უკეთ დაყენების, შემსრულებელთა ძალების მხატვრული ღონის ამალღებისა და მათი სწორად გამოყენების მიზნით, საქართველოს სსრ სახალხო კომისართა საბჭო აღდგენს:

1. გამოიყოს მუსიკალურ საწარმოთა, საესტრადო და საგასტროლო-სათეატრო საქმის სახელმწიფო შენაერთის (საქფილეგტის) სისტემიდან დამოუკიდებელ ორგანიზაციად საქართველოს სახელმწიფო ფილარმონია შემდეგი ობიექტებით: ვოკალისტთა კვარტეტი და სიმებიანი კვარტეტი.

2. მუსიკალურ საწარმოთა, საესტრადო და საგასტროლო-სათეატრო საქმის სახელმწიფო შენაერთის (საქფილეგტის) დაერქვას საქართველოს სახელმწიფო ესტრადა, რომელსაც დაეკისროს საესტრადო-საკონცერტო და საგასტროლო-თეატრალური მომსახურეობის ფუნქციები შემდეგი ობიექტების გადაცემით:

1) გუნდი პაქკორიას ხელმძღვანელობით;

2) გუნდი კავსადის ხელმძღვანელობით;

- 3) გუნდი თარხნიშვილის ხელმძღვანელობით;
 - 4) მეჩონგურეთა ანსაბლი ფოცხვერაშვილის ხელმძღვანელობით;
 - 5) ჯაზ—ორკესტრი;
 - 6) სავოდევილო ანსაბლი;
 - 7) ანსაბლი-ოქტეტი ცავარეიშვილის ხელმძღვანელობით;
 - 8) საქართველოს საესტრადო-საკონცერტო ძალები.
3. წინადადება მიეცეს საქართველოს სსრ ფინანსთა სახალხო კომისარიატს—ამხ. ციმაკურიძეს 1939 წ. მუსიკალურ საწარმოთა, საესტრადო და საგასტროლო-სათეატრო საქმის სახელმწიფო შენაერთისათვის (საქფილიგეტის) გაღებული სახსრებიდან გამოჰყოს სახსრები საქართველოს სახელმწიფო ფილარმონიის შესანახად.

საქ. სსრ ს. კ. ს.-ის თავმჯდომარე ვ. ბაქრაძე.

საქ. სსრ ს. კ. ს.-ის საქმეთა მმართველის მ. ა. ი. შელეგია.

1939 წ. იანვრის 25. № 123.
თბილისი.

16. სამშენებლო აგურზე ახალი საგასაცემო ფასების დაწესების შესახებ.

საქართველოს სსრ სახალხო კომისართა საბჭო ადგენს:

1. „აგურზე ახალი საგასაცემო ფასების დაწესების შესახებ“ გამოცემული სსრ კავშირის სახალხო კომისართა საბჭოსთან არსებული ეკონომიური საბჭოს 1939 წ. 11 იანვრის № 18 დადგენილების შესაბამისად, დაწესდეს 1939 წ. 1 იანვრიდან რაიონებში მიხედვით I ხარისხის აგურის ახალი, დიფერენცირებული საგასაცემო ფასები ფასდაკლებით მე-II ხარისხისათვის—15% და მე-III ხარისხისათვის—30%, I ხარისხის ფასებთან შედარებით (იხ. დანართი), რაც გავრცელდეს აგურის ყველა მწარმოებელზე საქართველოს სსრ ტერიტორიაზე.
2. გაუქმდეს სამშენებლო აგურის ადგილობრივი რესპუბლიკური სტანდარტი, რაც მიღებულია საქართველოს სსრ ადგილობრივი მრეწველობის სახალხო კომისარიატის მიერ, და აგურის ხარისხიანობის გამორკვევისას სახელმძღვანელოდ იქნას მიღებული საერთო საკავშირო სტანდარტი 5998.
3. დაევალოს სამრეწველო ბანკს, კომუნალურ ბანკს და სხვა სპეცბანკებს ჩაატარონ ვადაანგარიშება (მწარმოებლებსა და მყიდველებს შორის) 1939 წ. 1 იანვრის შემდეგ რეალიზებული აგურის მიხედვით, ამ დადგენილებით დაწესებული ახალი საგასაცემო ფასების თანახმად.
4. აგურის ხარისხის გაუმჯობესების სტიმულირების და საწარმოთა მიერ რეალიზებული აგურის სწორი ხარისხობრივი ანაზღაურების უზრუნველყოფის მიზნით, წინადადება მიეცეს:

ა) საქართველოს სსრ ადგილობრივი მრეწველობის სახალხო კომისარიატს მოაწყოს ნოსიროს აგურ-კრამიტის ქარხანასთან საკონტროლო ლაბორატორია, რომელსაც დააკისროს სისტემატურად შეამოწმოს აგურის ხარისხი და თვეში ერთხელ მაინც წარმოადგინოს ცნობები დასავლეთ საქართველოს რაიონებში მდებარე ქარხნების მიერ გამოშვებული აგურის ხარისხის შესახებ;

ბ) საქართველოს სსრ სახელმწიფო საგეგმო კომისიასთან არსებულ საკონტროლო-საცდელ ლაბორატორიას—მოაგვაროს იმ აგურის ხარისხის გამოცდის სისტემატურად ჩატარება, რომელსაც უშვებენ ქ. თბილისის ქარხნები და აგურის სხვა ძირითადი მწარმოებლები აღმოსავლეთ საქართველოს რაიონებში, და თვეში ერთხელ მაინც მისცეს ცნობები მათ მიერ გამოშვებული აგურის ხარისხის შესახებ;

გ) ყველა მწარმოებელს—მათ მიერ გამოშვებული აგური წარადგინონ გამოსაცდელად ზემოაღნიშნულ ლაბორატორიებში თვეში ერთხელ მაინც.

5. ძალადაკარგულად ჩაითვალოს საქართველოს სსრ სახალხო კომისარიატის საბჭოს დადგენილებანი 1936 წ. 3 მაისის „ადგილობრივი საშენი მასალის საგასაცემო ფასების შესახებ“ (საქ. სსრ კან. კრ. 1936 წ. № 19, მუხ. 115), 1936 წ. 29 ივნისის „აგურზე და კრამიტზე ხარისხის მიხედვით ფასების დაწესების შესახებ“ (საქ. სსრ კან. კრ. 1936 წ. № 25, მუხ. 143) და 1937 წ. 17 ოქტომბრის „აგურისა და კირის ფართო მოხმარების საგასაცემო ფასების შემცირების შესახებ“ (საქ. სსრ კან. კრ. 1937 წ. № 16, მუხ. 116) იმ ნაწილში, რაც აგურის ფასების დაწესებას შეეხება.

საქ. სსრ. ს.კ.ს-ოს თავმჯდომარე ვ. ზაქარაძე.

საქ. სსრ ს.კ.ს-ოს საქმეთა მმართველის მ. ა. ი. შელეგია.

1939 წ. იანვრის 27. № 129.
თბილისი.

სამშენებლო აგურის 1939 წ. საგასაცემო ფასები.
(მანეთობით ათას ცალში ფრანკო ქარხანა)

რ ა ი მ ე ბ ი	წ ი თ ე ლ ი ა გ უ რ ი		
	I ხარისხი	II ხარისხი	III ხარისხი
I. ქ. თბილისი, თბილისის რაიონი, ცხაკაიას რაიონი	148	125	104
II. სოხუმის, მახარაძის, ზუგდიდის და ლანჩხუთის	170	144	119
III. კასპის, ხაშურის, გურჯაანის, თელავის, თიანეთის, ხესტაფონის, გორის, ჩხარის, ქუთაისის, ყარაიას	186	158	130
IV. ბორჯომის, სტალინირის, სამტრედიის, ბაღდადის, ოჩქიჩირის	208	176	146
V. ახალციხის, ნოხატაურის, წალენჯიხის, ჭიათურის, სიღნაღის, ჩოროწყუს, გვეტკორის, გუდაუთის, გაღის, ბორჩალოს, ონის, აბაშის, ყვარლის, ლაგოდეხის, წულუკიძის	234	198	164

СТ 33,35

КЕ ИМЭЛ

1 12 СВ ГР 3



გამომცემელი: საქართველოს სსრ სახალხო კომისართა საბჭო

უნდა ჩაბარდეს პირველ რიგში
ხელწერილის ქვეშ

მისამართისათვის

ფასი 40 კპ.

საქ. სსრ სახკომსაბჭოს გამომცემლობის სტამბა „კომუნისტი“, კაპოს ქ. 68.

მოაგლ. № ბ-429

შეკვ. № 367

ტირაჟი 2000